




Sept





1690

*1576 Connestable 32. fait m. 12.*

ADVIS  
A V ROY SVR  
LE RESTABLISSEMENT  
DE L'OFFICE DE  
Connestable.

PAR VN BON FRANCOIS  
seruiteur du Roy, & amateur de  
son Estat & de sa gtandeur.

M. DC. XX.

X

THE NEWBERRY  
LIBRARY

Coal

F

39

326

16202dr



SIRE,

Il y a grand bruit par tout vostre Royaume, de ce que V. M. veut reſtablir la charge de Conneſtable.

Les choſes de conſequence comme eſt celle-là, ſont auſſi tardiues à croire quelles ſont de longue reſolution: Car les actions des Princes ne ſont pas terminees en leurs perſonnes: mais preſque toutes dreſſees à leur poſterité: Ainſi ſont-ce pieces de duree & la choſe du monde à laquelle ils doiuent le plus travailler, eſt à laiſſer vne belle & ſaincte memoire d'eux.

Dieu a donné aux ſouuerains l'autorité de commander, & aux ſujets l'honneur d'obeyr, & y a de la gloire à trouuer bonnes toutes les intentions de V. M. & ſuiure ſes reſolutions.

Mais en celle-cy ie ne me puis taire parmy tant de perſonnes qui en parlent, ny couvrir le zele que j'ay à voſtre ſeruice, tandis que les autres vous deſcourent les leur, & me promets tant de la Juſtice de ma cauſe, de voſtre equité, & de la patience de tous vos bons ſujets, que ma plume qui me reſte pour vn ſeul remede de mon ſilence fera voir la ſerieuſe importance, & la conſequence perilleuſe de ce que l'on vous propoſe.

SIRE, deux ſortes de perſonnes entre-

4  
tiennent V. M. sur ce sujet, les vnes qui n'ont  
autre but que leur fortune, c'est à dire, faire  
leurs affaires, les autres qui cherchent souz  
de belles apparences, & des raisons specieu-  
ses de vous ietter insensiblement dans vn  
trouble, & affoiblir par ces moyens vostre  
autorité, tous deux certes fort à craindre,

I'excuserois ceux-là, si leur naissance où  
la misere de leur condition les obligeoit à  
vous persuader, que contre la volonté du  
feu Roy vostre pere: cōtre son ordonnan-  
ce expresse, & contre le peril qui menace  
vostre Rayaume, V. M. doit pourueoir à  
ceste charge, & pardonnerois à ceux-cy si  
c'estoient personnes indifferentes, inco-  
nuës, ou tenans du commun. Mais quand  
i'y voyles Princes de vostre sang, quelques  
autres Princes, des Officiers de vostre Cou-  
ronne, & aucuns de vostre Conseil. Ie ne  
puis, SIRE, que ie ne tiene V. M. aduerti,  
d'une prochaine ruyne de son Estat si elle  
se laisse porter à ce conseil.

Les deuoirs des Roys sont grands, les  
peuples les preignent à garand de tous les  
maux qui leur arriuent, & ne se conten-  
tent pas seulement de ce qu'ils peuuent,  
mais ils veulent d'eux tout, ce qui leur est  
necessaire, & semble que ceste qualité les  
oblige à leur donner tout ce qui leur fait  
de besoin, & que sçauoir regner, est les re-



nir à leur aise & repos.

La France (comme le Ciel ne peut souffrir) qu'un seul Soleil aussi tost que vous ferez un Cōestable la diuisions'y mettra: Ceste supreme puissance & autorité souveraine ne sera plus qu'imaginaire, on adorerà que ce Soleil leuant, & V. M. a reconnu en ses iours avec trop de regrets ce qu'à peu l'autorité d'un de ses sujets establis en moindre chargé.

On tient pour manifeste affoiblissement d'une monarchie, quand les forces & les commandemens sont separez par piece, & par parcelles; & les siecles passez en font foy, mais quand nous māquerions d'exemple l'euidence vtilité & la necessité presente sont moyens assez puissans pour persuader à V. M. de ne le faire point, ny ayant loy si sainte, ny autorité si sacree qui ne doive fleschir pour le salut public.

C'est chose vraye & resoluë que celuy est maistre d'un Estat qui est maistre des armes, & l'Histoire des Maires du Palais le nous tesmoigne ainsi, si celuy qui sera Cōestable n'est un autre vous mesme, c'est à dire tellement attaché à vos volontez & à vostre seruice qui n'en puisse estre diuertty par aucun autre obiect, si au contraire en combien de maux & de calamitez V. M. & vos sujets seront ils exposez, & au lieux de

la vie douce & paisible dont vous iouyffez,  
de combien de peines sera elle talonnée  
pour se defendre ou de s'ēbarrasser de ce  
dont elle est à present en seureté & repos?

Ov nous dit que celuy qui l'affecte est tel,  
& par cōsequent qu'il n'y a rien à craindre,  
mais qui se peut promettre l'eternité de sa  
bonne fortune? Que vostre Soleil luise  
toufiours sur luy, & que par quelque occa-  
sion & accident ses volontez ne puissent  
estre alterees? Cognois-tu (dit l'Eternel  
parlāt à l'hōme) les Ordōnances des cieux,  
& disposeras-tu de chacū d'iceux sur la ter-  
re? L'esprit de l'hōme ignore sa destinee, &  
le sort à venir. Loys XI. auoit le Cōnesta-  
ble S. Pol pour son beau-frere François  
premier, Monsieur de Bourbon pour son  
proche parent, ils n'ont laissé pour celā de  
ruynier la France. & mettre la vie de leurs  
Roys avec leur fortune au hazard.

C'est tout ainsi que la terre laquelle ayāt  
donné des vapeurs à la region superieure  
de l'air par l'attraction qui en est faite par  
les rayōs du Soleil, se voit quelquefois bar-  
tuē & foudroyee des orages, dont elle a  
fourny & dōné la matiere. C'est pourquoy  
aussi la loy qui s'est toufiours deffice des ef-  
prits ambitieux & mercenaires a estably  
les peines pour reprimer les incōueniens.

Je supplie tres-humblement V. M. de

considerer l'Estat de son Royaume dluisé en factions, la Cour en partie, les Princes si contre pointez, & les grands qui attédent avec impacience quelque sujet de mouvement, & ne sçauons l'heure que Scipion iettant l'œil sur son espee razera Carthage à la barbe d'Aninebal.

Si en ceste confusion, en ces discords de volōtez, V. M. vient à establir vn Cōnestable, il faut craindre ou que se tenant pres d'elle il soit mal obey, & que vous ayez les Princes & les Grands sur les bras, ou que s'attachant à eux vos forces soyent diuerties par l'autorité de ce nouuel estre que tous les mal-contents adoreront.

Elle n'y peut pouruoir que d'un Prince du Sang, d'un autre Prince d'un Seigneur, ou d'un simple Gentilhomme, que d'une personne qui sçache l'Estat de la guerre, c'est à dire, qui aye blanchy dans les armées, ou d'un homme qui n'aye iamais tiré l'espee hors du fourreau.

Si un Prince du Sang, le Conseil seroit tres-pernicieux d'induire V. M. de luy mettre les armes en la main, estant certain par l'experience des siecles passez, & par celle faite en vos iours que ces Princes sōt personnes assez recommandees en France & trop puissantes pour leur confier les termes de l'Estat: dequoy Charles de Bour-



bon vous sert de preuue, & receuemēt M.  
le P. de Condé, & l'autorité souueraine  
est si ialouse qu'elle ne veut pas de maistre,  
& moins de compagnon.

Le sceptre dit vn Anciē, le pouuoir abso-  
lu, la distribution des Elemens ne peuuent  
receuoir de compagnons, vn Roy les doit  
auoir seul, & quoy que V. M. soit asseuree  
de la fidelité d'un sujet, & de son seruice.  
Cesar appréh qu'il est permis de violer le  
droict pour regner : La France en est plei-  
ne d'exemples, & les regnes de Charles  
IX. & Henry III. vous en instruisēt assez.

A l'esgard des autres Princes : il y auroit  
quelque chose de moins à apprehender,  
puisque leur qualité ne leur dōne ny nom  
ny suite : car ou ils sont bastars de France,  
fils des Roys ou estrangers, & de ceux-là, la  
fortune estant puremēt attachee à la bon-  
ne grace de V. M. & leur foiblesse telle qu'ils  
n'ont ny vie, ny vigueur que par vous, le  
peril ny seroit pas grand, tousiours à crain-  
dre, neantmoins ainsi que V. M. a veu par  
M. le Comte d'Auuergne.

Et pour les autres, comme Messieur de  
Lorraine & de Nemours V. M. se doit ra-  
menteuoir ce que leurs peres ont peu, ce  
qu'ils ont fait, puisque sans autre grade, que  
de leur simple qualité & l'autorité, que  
les

feux Roys leurs ont donné, ils ont remué  
l'Estat quant bon leur a semblé, & disputé le  
droict de regner avec Héry 3. & le feu Roy  
vostre pere.

Quand aux Grands de vostre Royaume  
que nous nommons Seigneurs, s'en a esté  
toufiours la portee, & difficilement peut-on  
remarquer deux Princes en auoir esté pour  
ueux: Mais V. M. doit considerer, que ceux  
qui pour le rang & dignité de leur maison  
pourrôt aspirer à ceste charge sôt si foibles,  
si ieunes, & si peu experimētés, que ce seroit  
perdre la France d'en cōmettre la fortune  
à leur poil, & pour ceux qui y pourroient estre  
appelez par leur merite & par leurs services  
ils sont desia si puissans par leurs hōneurs  
qu'ils possèdent, que leur en bailler dauan-  
tage, seroit leur faire chāger de condition,  
& au lieu de subiets qu'ils sont les rendre  
maistres.

En ce qui est des gentils-hōmes, bien que  
la premiere dignité & le premier tiltre de  
Roy soit celuy-la: si est-ce que V. M. ne sera  
jamais persuadée par aucun hōme de bon  
sens de commettre ceste charge à vn qui ne  
possedera que ce tiltre & qualité seulement  
sinon que sa grāde experience & sa valeur  
l'y eussent porté, dautant que par la, elle of-  
fenseroit tous les Princes & les grāds de son



Royaume, eſtât certain qu'à vn iour de bataille l'ordre doit eſtre prins du Cōeſtable, & n'y a Prince, Seigneur, ny Gentilhomme. tât ſoit peu qualiſié qui n'aimaſt mieux laiſſer perdre la iournee, que d'obeïr à celuy qu'il croit indigne de luy cōmander, pour ce ſeulement qu'il n'auroit iamais veu bataille rengee ny mis l'eſpee à la main contre l'ennemy de l'Eſtat: Auſſi iuſques à preſēt il eſt inouy qu'un homme de ceſte qualiſité ſoit mōté à vne dignité que nos Anceſtres ont tenuē pour ayde de la Royauté.

Et de fait, depuis l'eſtabliſſement de la Coſtableie iuſques au feu roy voſtre pere, on ne veoit pas d'autres en auoir eſté pourueus que de grandes & illuſtres maiſons. comme pour Princes Artus de Bretagne, & Charles de Bourbon, & pour Seigneurs, Clifton, S. Paul, & Montmorancy. & cela fondé ſur ceſte regle infaillible, que ceux-la ont le plus de part en l'Eſtat qui y ſont les plus grands.

Et toutesfois ſi l'hiſtoire, doit eſtre l'inſtruction de la vie, pour les diuers exemples de Vertu & de vice, & V. M. peze leurs merites avec les ſeruices qu'ils ont rendus à la Frâce, elle trouuera que la charge du Maire du Palais, dont celle-cy fait part, n'a pas eſté plus iuſtement & avec plus de cōſiderations eſteinte & abolie par vos Predeceſſeurs, que

celle de Conestable le doit estre par V. M. Car auoir l'autorité tout entiere, disposer de, n'est pas vne petire affaire, & a-on recognu pour chose asseuree que ceux-la ont esté ruinez qui ont donné trop de puissance aux sujets de s'eleuer, qui estoit la deuise de l'Empereur Iulien, figurât qu'ils arrachoiēt les plumes de l'Aigle pour les coler aux fleches qu'on tiroit contre luy.

Les Connestables sont les Tuteurs des Rois, & sont les Poles de la Royauté, ils la font mouuoir cōme bon leur semble, & de cela les histoires nous en rendent tant de preuues que ce seroit abuser de vostre loisir de les vous représenter icy. Mais qui en douteroit, puisque les armes qui sont la vie des Princes leur sont commises, & que le Connestable tient l'espee nuë du Roy dont il est chargé par son pouuoir aussi bien que du commandement sur tous les Princes & grands du Royaume.

Cliffon Breton de nation a mis la France en bransle toutes les fois qu'il a voulu faire partie dans l'Estat. Le Comte de S. Paul a ioué la fortune de ce Royaume sous Louys vnzième, Charles de Bourbon sous François I. Anne de Montmorancy sous François secōd, & Charles 9. Et le feu Roy pour euitier le peril ou son Estat estoit expo-

à gre de la fortune d'un grand & puissant Royaume, & du premier Royaume du monde durant la ligue, fut contrainct d'accommoder feu Monsieur de Montmorancy avec dessein d'en supprimer la charge. L'vsc de ce mot, contrainct: car l'autorité que ledit Sieur de Montmorancy auoit prise avec ses armes, le rendoit tellement redoutable, qu'il pouuoit partager la couronne & faire tomber la balance du costé où il se fust rangé.

Sur cela, SIRE, on nous dit que ce sont vaines terreurs dont on vous entretient, pour vous imprimer des craintes, & empêcher de récompenser vn fidelle seruiueur: Que Bertrand du Guesclin simple Gentil-homme vous sert d'exemple pour faire du bien à celuy qui le veut imiter,

Ceste parole, SIRE, mais plustost ceste pensée offense vostre courage qui ne cognut iamais la peur: mais les causes de grande crainte sont quelquefois si iustes, & si visibles que c'est estre iudicieux que d'estre timide, & V.M. le iugera aussi.

Du Guesclin à la verité estoit simple gentil-homme & Cader, & toutesfois a esté fait Conestable, si ceux qui poursuient aujourd'huy ceste charge entroient en Parallele avec luy, & que la comparaison de Re-



lation de l'un à l'autre fut parfaite & entiere, cettre cela seroit sans enuie, & se pourroit supporter avec raison.

Mais qui ignore les seruices & les merites de du Guesclin, & que son establissement est vn pur ouurage de vertu, & non de fortune, de merite, & non de preoccupation? contre son gré il fut contrainct d'accepter ceste charge, apres auoir recogneu n'estre de maison ny de qualité pour la posseder, apres s'en estre excusé sur l'inconuenient de commander aux Princes, & puissants du Royaume, ses raisons ne sont point escoutees, & forcé par toutes les puissances, par le peril imminent, ou le Roy & l'Estat estoit exposé, il en prend la charge; pour seruir de conseil seulement. & non pour s'en authentifier. Tous luy obeyrent, & le Roy mesme print ordre de luy pour l'experience qu'il auoit au faict des armes pour la vertu particuliere, & pour son merite recommandable.

SIRE, trouuez vn autre de Guesclin en France, & vostre Royaume sera content. Mais iusques alors que V. M. considere s'il luy plaist l'Estat de ses affaires, qu'elle se souuienne des preceptes du feu Roy son Pere, & que ce grand Prince, dont la valeur, & la prudence incomparables a trouué iuste

de la supprimer par les sentiments dont il estoit touché, luy qui estoit le plus puissant, le plus redouté, & le plus grand Prince du monde, qu'elle raison aura V. M. ou quelle nécessité le contrainct de la reſtablir en vn ſiecle plein de deſſiance & d'inſidélité, de ialouſie & de partis ; pour en gratifier vne perſonne qui tient deſia l'entier gouuernement de l'Eſtat, la faueur duquel eſt aſſez enuiee ſans l'augmenter par vn grade ſous le benefice duquel le Conte de S. Paul reſiſta à Louys XI. & ſeu Conchine par trop de faueur entrepriſt ſur la Royauté.

Lors de la promotion de du Gueſclin. l'Eſtat eſtoit en de tres-grāds trouble, le Roy ieune, les Princes peu verſez, & perſonne en eſtat de cōduire vne armee Royale ſors luy.

Si V. M. eſtoit neceſſitee d'y pourueoir pour quelque grand peril, ell'a le Duc de Guiſe, ell'a ce foudre de guerre le Duc de Mayenne, de qui la foy & la fidelité ſont inuiolables, elle a les Ducs de Boüillon, & Deſdiguères. Demons de Prudence, de preuoyance, & de valleur, & ſur quelqu'un de ceux-là faudroit ietter les yeux.

Mais, Dieu mercy, voſtre Eſtat eſt hors de peril & n'a beſoin d'autre maĩſtre que de vous ſeuł, vos forces ſont en leur croiſſant, & pouuez dire comme Piſiſtrat : l'ay



rangé mes sujets à leur deuoir, il n'y a rien de trouble chez moy: Pourquoi donc faire vn Cennestable?

Je laisse à vous représenter la surcharge que cela apportera à vos finances & au peuple, quelle alteration aux deniers du taillon car pour l'Espargne elle n'est plus à vous, & cecy seruira de pretexte pour augmenter la grandeur de ceux qui ont intètion de mettre dans leurs coffres le dernier denier de vos subiets, & potter la France à ses derniers abois.

Pensez-y, SIRE, le commun des hōmes ne s'arreste qu'aux effects apparens, & ne reçoit conseil que celuy qui le peut assurer, le sang eschauffé nous iette hors de la raison: mais aussi tost qu'il s'attiedit, elle r'entre en son siege. Tout changement de loy qui touche l'État est dāgereux. C'est pourquoy V. M. doit prendre garde aux intersts de ceux qui luy en parlent, & ne se laisser preuenir.

Ne vous laissez point surprendre à la flatte-rie, SIRE, les Ombres soit longues ou courtes, n'allongent ny n'amoindrissent point les vrais corps qui les produisent, les louanges ou les blasmes que les flatteurs chantent aux Princes. ne peuuent abbaïsser ny accroistre leurs merites. Il faut que les Roys

maintiennent leur splendeur avec hōneur & gloire : mais ceste gloire (dit le Stoïque) n'est autre chose qu'une approbation des gestes & faite memorables dignes de recommandation & de louange. Tous ces tiltres de Grand que les Grāds recherchèt, ne peuuent aucunemēt acquerir vne grandeur & reputation stable & solide.

SIRE, l'ambition est la peste des ames, c'est vn Océan sans fonds, de Gēti-homme on veut estre Marquis, par degrés premier Gentil-homme de vostre Chambre, apres Duc & pair, puis Connestable: incontinent Maire du Palais, & Dieu vueille que nous arrestions là : car l'appetit vient en mangeant, dit le proverbe, & en fin il est à craindre que nous ne soyons comme Cesar tout ou rien. Si vous aymez celuy qui poursuit ceste charge, V. M. le doit diuertir de ces erreurs. S'il vous ayme & s'aime luy mesme, il doit persuader V. M. de ne la luy commettre. Conchine se perdit pour y aspirer trop, ainsi le bon heur & la felicité accompagneront vostre sceptre, & apres le naufrage des diuisions passées V. M. iouyra à son aise & repos de la succession entiere de ses peres.

F I N.



